

# Экц парторганизацин нилчинь өөдлүлхмн

Халымг тангъчин партийн организацин 18-ч конференц партийн-бурдәмджин болн партийн-политическ кōдлмшиг цааранднь ясрулхд, цуг коммунистрин шунмгъагъинь өдлүлхд, экц партийн организацин нилчинь батлхд партийн комитетс дангъгин онгъган тавлж кōдлцхх зөвтә гидж заав.

Цуг партийн кōдлмшиг, партийн гардвирг өдән кирцәнд гаргъхд экц партийн организацин нилчинь йилгъуик. Партийн политикиг күцәхин төлә коммунистрин чидлинь экц партийн организац негдүлнә. Коммунистическ тосхлтин зурпартийн болн правительствин шиидврмүдиг күцәхд, күч-кōлсчирин ноолда бүрдәхд терүнә кедг кōдлмшнь йилгъуик чинртә.

Мана тангъчин партийн организацд 220 гар экц партийн организацс бәәнә. Колхозмуд, совхозмуд, МТС, предприятияс болн эдл-ахун талин йилгъгч аңгс болгънд экц партийн организацс гарв. Партийн организацин зергләннь өсәд, коммунистрин тонь икдәд тедн дунд 87 партбүро сунгъгдв. Кōдлмшән бүрдәмджтә сәәнәр кедж, коммунистр олн-әмтнә кōдлврчнр болдж йовх экц парторганизацин тангъгчд цōн биш бәәнә.

Тиим парторганизацин тоод „Лиманный“ совхозин, „Пролетарская победа“ колхозин, Виноградненск МТС-н нань чиги кесг экц партийн организацс заалж болхмн. „Лиманный“ совхозин экц партийн организац совхозин эдл-ахуг өсклгәнә кергт гуунәр орлца. Коммунистр нургълдж производствени кōдлмшт йовчхана. Хсбчнр, укрчнр дунд кōдлдж йовх КПСС-н члед Очиров, Чонкаев болн кōдлмштән ик сән диилвр күдсн нань чиги улс кōдлмшчнрт үзмдж болджана.

Совхозин экц парторганизацин олн дунд делгү политическ цәәлгъврин кōдлмш кенә, соцдөрлдә өргнәр делгрүлнә, өмн нуурт йовх улсин дамшлт тархана, цуг партийн кōдлмшинь зура чикәр темдгллж кенә. Партийн организацин улмәннь өсәд йордннь совхозин цуг кōдлмшнь ясрлгънд үзгднә. Совхоз 1957 джилиг сән дигтәгъәр төгсәв, нег сай арслыг шаху ору авб.

Болв, тангъчин 18-ч партконференц, балгъсна болн райпартконференцс болн

партийн хургс экц парторганизацин дунд сулар кōдлджәх организацин ода чиги бәәнә гилж темдглв. Эн учрар мана тангъгчд кōдлмштннь ик дуту бәәх, нам кōдлмшәрн ард хоцрдж йовх колхозмуд, совхозмуд, предприятияс чиги бәәнә.

Юстинск района „Раздольный“, Яшкульск района 108-ч номертә совхозмудин болн нань чиги эдл-ахусин кōдлмштннь ик тартг гарад йовлг, малас ик тәру гарад, малас авдг эдл-уш өслго йовдг, ору авхин орчд гаруд унад бәәдг йовдлин ах учринь экц парторганизацин кōдлмшнь сулар кегдлж йовхас хәәх кергтә.

Балгъсна болн районсин партийн комитетсин ончта төрмүдин негъ— экц партийн организацин нилчинь улм өдлүлгън мōн. Болдж давсн тооцана болн сунгъгъврин хургсин ашдннь экц парторганизацин гардвр батлгдв, кесг шин улс эн кōдлмшүр ирцхәв. Эднә партийн кōдлмшин дамшлтинь өдлүлхд онгъган урдкасникәр өгхмн. Семинарт экц парторганизацин сегләтгмүдиг дугдүллгъиг тасрлтан угагъаркех кергтә.

Зональн партийн багс уурулад инструктормудин ханинь батлсн йовдл партийн комитетсин экц парторганизацин гардлгъинь ясрулх зөвтә Экц партийн организац болгън тодрха сән нōкд авсн деерән, партийн комитетин улмәд дангъгин бәәх зөвтә.

Ода тангъчин партийн организацд КПСС-н крайин болн тангъчин партконференцсин дигин тускар күундвр болдж йовх цагт экц парторганизацин, цуг коммунистрин онгъинь өдгә цагин ах төрмүд күцәлгънд тусхах кергтә. Мал, нег улү хōд өсклгън, мана тангъчин түрүн ах кергнв. Болв мал үвлзүллгънд бәәх дуту-дунд йовдлмүдиг хаашнъгар уурулгдна. Иим эндүг даруд чиклх кергтә.

Тангъчин малчнр ик шүүврән өгчәх цаг ода ирв. Үвләр хōд хурглуллгън эклв. Өөрхн гурвн ажилин эргид хōддин тоог кесг холван өскх төриг күцәхд эн цангō чинртә керг. Тер учрар экц партийн организацин өдр болгън хōд хургългъна йовудинь шүүлж, хәләдж диилвр күцхиг теткх— нег ик чинртә төрнв.